



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ephesini Concilii Generalis Pars I. Et II. Sub Cælestino papa I. anno
CCCCXXI.

Parisiis, 1644

Altera eorundem petitio e Calchedone ad Theodosium Augustum missa.

urn:nbn:de:hbz:466:1-15062

si quid nunc prohiberet, (neque enim tuæ pietatis negotia omnia nota esse possunt) petimus a tua serenitate, vt ad propria tuto & feliciter commigrare nobis liceat. Nam videmus ciuitates nobis commissas ex tali mora non parum offendi propter eos, qui etiam in rebus piis, vt videtur, contentionem quærunt, nulla inde proueniente utilitate.

Altera eorumdem petitio e Calchedone ad Theodosium Augustum missa.

Obscure & deprauate hæc exposita sunt.

Omnia hæc mera commenta sunt, & impudentissima mendacia.

Omnes hæc literæ fuerunt subreptitiæ, dolo malo ab imperatoribus extortæ.

SÆPENVMERO pietatem vestram & per nos ipsos, & per eos qui a nobis missi sunt, docuimus, quod rectæ fidei dogma corruptioni obnoxium videatur, & quod ii discerpere videantur ecclesiæ corpus, qui omnia susque deque faciunt, & omnem ecclesiasticam constitutionem, omnemque regiam legem conculcant; vniuersaque simul confuderunt, vt expositam hæresim a Cyrillo Alexandrino confirmet. Nam vt a vestra pietate in Ephesum vocati sumus ad inquirendum quæstiones, quæ pulularunt, & ad confirmandum fidem euangelicam & apostolicam a sanctis patribus expositam; nondum omnibus præsentibus conuocatis episcopis, ii qui particulare Concilium habuerunt, hæretica illa capita, quæ cum Arii & Eunonii & Apollinarii impietate conueniunt, scriptis commentariis roborarunt; & alios quidem deceperunt, alios vero terruerunt, alios autem de hæresi accusatos in communionem susceperunt; & aliis, qui non communicabant, mercedem vt communicarent dederunt: alios demum spe honoris, quibus indigni erant, accenderunt; & ita sibi multitudinem congregarunt, quasi nescientes, quod piam religionem non multitudo, sed veritas ostendit. Iterum lectæ sunt vestræ pietatis literæ per magnificentissimum comitem Candidianum, significantes quod pacifice & fraterne quæstiones, quæ nuper extortæ sunt, inquirentur. Verum conuenientibus omnibus pientissimis episcopis, nihil profuit lectio. Venit nobilis Palladius magistrianus alias vestræ maiestatis literas afferens, docentes rescindenda esse omnia, quæ particulariter constituta fuerant, & Concilium denuo congregandum, verumque dogma fanciendum. Contemptum est autem & hoc, more solito

ANNO
CHRISTI
431.

solito, pium vestrum mandatum ab his qui omnia audent. Aduenit rursus magnificentissimus magister Ioannes, qui nunc comes omnium largitionum, alias iterum afferens literas, significantes, quod a vestra maiestate trium depositiones decretæ sunt, tollendaque e medio suborta of- fendicula, solamque fidem in Nicæa expositam a sanctis & beatis patribus, ab omnibus confirmandam. Transgressi sunt, vt solent, & hanc legem ii qui omnia pro ludi- brio habent. Enimuero nec post lectionem a cœptis de- stiterunt, & communionem habuere cum depositis, & meminerunt eorum tamquam episcoporum, non permit- tentes, vt capitula ista, in damnum & corruptionem piæ fidei exposita, exploderentur, tametsi a nobis ad collo- quium sapius accersiti fuerint. habebamus enim in prom- ptu hæreticorum capitulorum argumenta. Horum nobis testis est magnificentissimus magister, qui nobis & illis tertio ac quarto conuocatis, & hæc nec prætere aude- dens, propter illorum inobedientiam, operæ precium duxit posthac huc nos vocare. Aduenimus nihil remora- ti, nec quieuius, donec huc perueniremus, & apud ve- stram pietatem, & apud illustre consistorium obsécran- tes, vt ipsi certamen hoc pro capitulis susciperent, ac in colloquium venirent, vellea tamquam aliena a recta fide exploderent, manentes in sola expositione fidei beato- rum patrum, qui in Nicæa conuenerant. Et hi quidem ni- hil horum facere voluerunt; sed manentes in hæretica cõ- tentione, permixti sunt ecclesias frequentare, & sacerdo- tio fungi: nos vero synaxi destituti mansimus tanto tem- pore, & in Epheso, & nunc; innumeraque pericula & illic & hic pertulimus: & cum lapidaremur, & tantum non per- deremur a seruis monachorum habitu indutis, boni con- suluimus, vtpote pro pietate talia libenter perferentes. Post hæc visum est vestræ maiestati, vt iterum nos ac illi conuocaremur, & vt ad inquirenda dogmata inobedi- entes compellerentur. Hæc vt fierent, nobis expectantibus, vestra pietas in ciuitatem profecta est, & eos quidem qui de hæresi accusabantur, & propter hoc alios ex his deposi- tos a nobis, alios vero excommunicatos, & deinde cano- nicis pœnis subiiciendos, præcepit vt in ciuitatem ve- nirent, sacerdotio fungerentur, & ordinarent. Nos ve-

Et hoc fal- sum est: si- quidem ori- entales sa- pimus citati, Synodo se si- sseve an si non fuerunt.

Non erat certamen de capitulis, sed de iusta Nes- siorii, iniusta vero Cyrilli & Memne- nis deposi- tione.

Schismatici iactant suam pietatem.

Sed qui ac- cusabantur, pii & ortho- doxi erant; accusatores vero heretici & schisma- tici.

Scilicet schismatici curant pietatem & religionem.

Schismate carere non potuit, quia schismaticos intra se continebat.

Hic schismatici gloriantur de multitudine, alibi saepe de paucitate.

ro, qui pro pietate tantum certamen suscepimus, & pro rectis dogmatibus nullum non periculum sustinuimus, neque ingredi in ciuitatem iussit, vt fidei periclitantis negotium ageremus, & pro rectis dogmatibus vrgeremus; neque ad propria remigrare permisit; sed sumus in Calchedone tristes, & gementes in ecclesia quæ exercetur schismate. Idcirco qui nullum responsum obtinemus, necessarium duximus, vt præsentibus literis doceremus vestram pietatem coram Deo, & Christo ipso, ac sancto Spiritu; quod si quis ordinatus fuerit, antequam discutiantur recta dogmata, ab his qui hæretica sentiunt, necesse sit vt tota ecclesia scindatur, tam clero quam plebibus diffidentibus. Nullus enim piorum feret, hæretica colentibus communionem dari, propriamque salutem annihilari. Vbi autem hæc futura sunt, tunc vestra pietas præter suam mentem agere cogetur. Nam & schisma præter sententiam inualescet, & eos qui pro pietate certant, contristabit, non ferentes vt suæ animæ pereant, & consentent contentiosis impia Cyrilli dogmata, quæ iustificare volunt. Multi autem qui pietati student, & omnes nos, qui ex orientali diœcesi, & vestræ prouinciæ ex diœcesi Ponti, & Asia, & Thraciæ, & Illyrici, & Italiarum, Cyrilli dogmata admitti non sinent, qui & vestræ pietati librum beatissimi Ambrosii miserunt, aduersa pullulanti huic superstitioni docentem. Quapropter ne hoc eueniat, & vestra pietas magis conturbetur, supplicamus, precamur, obsecramus, vt edicat, ne ordinatio antea fiat, donec orthodoxa fides formetur, propter quam & nos congregauit vestra quæ Christum amat, celsitudo.

Tertia schismaticorum postulatio ex eadem ciuitate ad imperatores missa.

NON hunc euentum fortituram vestræ pietatis expectabamus vocationem. Vocati enim honeste sumus tamquam sacerdotes a rege, & vocati sumus ad confirmandam sanctorum patrum fidem; propterea etiam tamquam pio regi obedituri aduenimus. Vbi autem venimus, neque ecclesiam minus secuti sumus, neque vestrum contempnimus edictum, sed vestros nutus secuti sumus continue ab eo die, quo in Ephesum peruenimus,